

Enformaziuns y Comunicaziuns

Gran Mëssa: En domëgna ai 22 de má é la Pröma Santa Comegnun ia La Pli. En chël dé sará la Gran Mëssa tló Al Plan **belo ales 8:30.**

Oraziun: Al vën recordé che vigne secundo dedemesaledema vëgnel tigní da sëra online na **reflesciun sora la Bibia**, con siur Sepl Granruaz, Erich Frenademetz y Agnes Irsara. Chi co ô tó pert, pó comuniché sôa mail a **ploaniaalplan@gmail.com**

Festa dla jonëza: Da Pasca de Má vëgnel organisé a Porsenú le „Fest der Jugend“, na festa por jones y jogn te nosta diozeja. **Dai 4 ai 5 de jügn** s'abina jogn tal dom da Porsenú a cianté, workshops, festejé y perié. Al vën ince dé la poscibilité da sté soranet. La festa vën slüta jö con na mëssa zelebrada dal Vësko Ivo Muser. Al é da s'anunzié danfora sön le sít **www.pfingsten.at/veranstalter/brixen/**, olache an ciäfa le program y plü enformaziuns. La festa vën ince trasmetüda tres livestream!

Scolina: En jöbia ai 19 de má ales 13:30 vëgnel tigní te salff dles manifestaziuns la prejentaziun dal urt de scolina nö, co é gnü arjigné dô les regoles dla geomanzia. L'architët Philipp Stauder gnará de porsona a splighé plü avisa cösc urt garaté. Düc i interessês é bel enviês da gní a ascuté sô.

ASC Mareo: Le ASC Mareo enviëia a sôa sontada generala, co vën tignida en **lönesc ai 16 de má ales 8 da sëra**, te salff dla Raiffeisen d'Al Plan.

Dotur: Le dotur Eduard Agreiter lascia alessëi **che al é demez dai 16 ai 20 de má.** Al vën sostituí dala doturia Margarete Mahlknecht, tel. 349 0667034.

Comune/1: Le Comune de Mareo chir **porsones co vá a daidé romené fora sales** sô por munt. Por domandes plü avisa pón cherdé sô le 0474 503753.

Comune/2: Le Comune chir ince na **porsona a daidé vardé tai Tamerisc** (dertan le mens de jügn). Por enformaziuns plü monüdes präibel cherdé sô le 0474 503753.

Comune/3: Cöstes edemes vëgnel asfalté danö le toch dla strada Catarina Lanz danter Ciasa de Comune y Ciasa dal Parch. L'Ombolt á porchël de fora cösta ordinanza de limitaziun: **dai 16.05. ales 7:00 cina ai 27.05. ales 17:00 gnará la strada slüta daldöt al trafich:** motors y auti fina 3,5t co vá cuntra Pederü vën deviês tres la strada Fanes y dlungia la plaza dai jüc sô; le trafich tl'atra direziun vën devié pla Ciasa dal Parch sô cuntra Arnold's y str. Paracia, Al Plan Dessora, Plazores. Sce al é emergénzes o debojügn fora dai orars de laûr, **pón cherdé sô le 392 6968052.**

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

15.05.2022 - Cuinta domëgna de Pasca
Festa dla Pröma Santa Comegnun

nr. 25

Desche iu s'á orü bun, deses ince os s'orëi bun

Dal Vagnele dô San Jan 13, 31-33a.34-35

Te chël tomp ³¹canche lüda s'an ea jü fora, á Gejú dit: sën é le Fi dal Om glorifiché, y Idio é glorifiché te ël. ³²Sce Idio é glorifiché te ël, sarál ince Idio co le glorificará te se enstës y al le glorificará defata. ^{33a}Mi mituns, i sun mâ plü püch tomp pa os. ³⁴En comandamont nö ves dáí: Oresse bun önn al ater! Desche iu s'á orü bun, ensciö deses ince os s'orëi bun. ³⁵A cösc conesciará düc ch'i sëis mi discepuí: sc'i s'orëis bun önn al ater.

Parora dal Signur. Lalt a te, Gejú Crist!



I se ralegrun con mitans y mituns

Lascede gni i mituns da me!

Nos sun i scolars de secunda classa; i se enconfortun da jí ala Pröma Santa Comegnun



Edema liturgica dai 15.05. ai 22.05.2022		
DOM 15.	Cuinta domëgna de Pasca FESTA DLA PRÖMA COMEGNUN	<i>Sofia, Sonia, Isidor, Friedrich</i>
08:30	<i>s.m. a La Pli</i>	
10:00	gran mëssa por dōta la comunité <i>oferta por la ploania</i> ingres con la musiga dal Hotel Corona demez s.m. por i mituns dla Pröma Comeniun y söes families	LAD
Lön 16.	<i>Johannes Nepomuk, Ubald, Adolf</i>	
18:00	s.m. dal ann por +nt Gustl Ties +nc' Eduard y Angela Ties - +nt Hubert Tamers +nta Anna Marenza – en onú dal Spirit Sant	DEU
Ded 17.	<i>Dietmar, Walter</i>	
19:30	corona	
Dem 18.	<i>Jan I., Burkhard, Felix, Erich</i> Vijita personala te dljia y cortina	
Jöb 19.	<i>Ivo, Zelestin V., Cuno</i> Vijita personala te dljia y cortina	
Ven 20.	<i>Bernardin da Siena, Elfriede, Valeria, beata Josepha</i>	
07:30	s.m. por i scolari +nc' dal Medo - +nc' Complou Cristiano y Feghile en onú de S.Florian y S.Vitus por la vijinanza da Mantëna	LAD
19:30	Corona ete dal Ciüch	
Sab 21.	<i>Hermann Josef, Christophorus Magallanes y compagns</i>	
17:30	corona	
18:00	s.m. prefestia dal ann por +nta Marianna Erlacher Pedevilla de Terza dal ann por +nc' Hilda y Jan Willeit y Manfred Krämer dal ann por +nta Kosta Maria +nc' Erlacher Jep, Angela y Hubert +nc' Lois y Mena Taibon	DEU
DOM 22. N.B.:08:30	Sesta domëgna de Pasca gran mëssa por dōta la comunité +nc' Lois y Lukas Maneschg +nt Franz Kanetscheider - +nt Matthias Resch +nc' Christian y Stefan Vollmann	<i>Rita da Cascia, Renata, Julia</i> <i>oferta por la ploania</i> LAD
10:00	<i>s.m. Pröma Comeniun a La Pli</i>	

**Die Bibel sagt, dass wir Gesandte Jesu Christi sind.
Es ist sehr, sehr wichtig für die Welt, dass es in dieser Welt
Gesandte gibt - Vertreter des Himmels.**

Corrie ten Boom

Um dir, Gott, nahe zu sein,
brauche ich nicht nach „oben zu kommen“,
sondern du bist zu mir heruntergekommen,
in deiner Menschwerdung, in deiner Liebe.
Bitte hilf mir, dich im Nächsten zu treffen,
dir zu begegnen in deinem Wort und
im Gespräch mit dir.
Hilf mir zu glauben, was mir oft
zu wunderbar ist:
Dass du mir oft näher bist,
als ich mir selbst sein kann.

John Blankers



*Erfüllte Zeit ist Zeit,
die mit Liebe
gefüllt ist.*

Oraziun dan la Comegnun

(por gragn)

Fá, Signur, che cösc sacramont fejes gní plö
sterscia mia fede, plö via mia speranza y
empëies mia ciarité, ch'i sides bun/a de
osservé tōa lege, por podëi spo arjunje tōa
gloria. Con l'aiüt de tōa grazia n'oi nia plö vire
por me, mo por te, mio Signur y benefatur,
ciodi che tō es le Pan dla vita, la fontana de
vigne santité y de düc i bëgns. Amen.

Rengraziamont do la Comegnun

(por mituns)

Tan encontont ch'i sun, sëgn che tō es con me, oh Gejú. I te diji iolan de cör,
che t'es gnü a mo ciagé y che t'ás scinché te enstës a me.
Iu ince mo scinchi döt a te, con döt mio cör, con döt mio amur. I gnará gonot a
te ciagé te dljia y a te tō sö tla santa Comengnun. I ó ester pros/sa y sonzier/a
y i porvará da vire dagnora do tōa orenté y ne te lasciará mai jí demez da me.
Fá che vigne Comegnun sides desco la pröma, desco chëra da encö.
Y sëgn ói te perié por düc chi co m'ó bun: por i geniturs, por i fredesc y les
sorus, por chi co m'á fat dal bëgn, por le Papa, le Vësko y i prei, por dōta la
comunité de cösc paisc y por la santa Dljia.
I te preü: dáí la pesc a döt le monn; porti confort ai amarés, salva chi co é da
morí, convertësc i piciadús, dáí le pan a chi co patësc la fan y condüj düc
canc en de a paraisc! Amen.

Sorvisc dai Ministronc

Lönesc 16/05 (18:00h), Vëndres 20/05 (07:30): Damian y Matthias Winkler;
Sabeda 21/05 (18:00h): Felix y Lena Feichter, Elena Frenademetz, Pire Maneschg,
David y Romina Palfrader, Mattia Ploner, Barbara y Sophie Rungger Kuprian;
Domëgna 22/05 (08:30h): Roman Kaneider, Antonio Mauro, Armin y Simon Trebo
N.B.: Düc i ministronc é entres begnodüs da gní a sorví, ince sce ai n'é nia scric sö!

